

四庫全書

集部

欽定四庫全書

集部

篁墩文集卷七十五

詳校官編修_臣李堯棟

中書_臣劉源溥覆勘

總校官進士_臣朱鈐

校對官監丞_臣張魯炳

謄錄監生_臣陳燦

欽定四庫全書

篁墩文集卷七十五

明程敏政撰

詩

故刑部尚書萬安劉公夫人哀輓

同年憲副喬之母

尚書勲德重當時伉儷分明得女師
淑行定歸劉向傳

令人三誦鵲巢詩

荆布家風玉雪容詩書猶說舊儒宗
相夫誰合隆恩澤

四度鸞書出九重

清寧宮裏早朝回
四翟冠高比上台
識遍朱門金字榜
衆中誇道不凡才

教子丁寧讀父書
策名黃甲佩金魚
故園花竹春如海
贏得諸孫候板輿

閱世相將九十齡
白頭如雪兩瞳青
緣何便作遊仙夢
拭淚空瞻婺女星

落日秋山起白雲
森森松檜擁高墳
賢名百世應難滅
中有天家諭祭文

定海李揮使東溟一覽卷

李侯落落千人雄
拍揮戰艦橫雕弓
倭奴斂跡向沙島
不敢出沒鯨濤中
新樓拔地幾百尺
倚徙下見馮夷宮
掀髯長嘯動林木
勝覽直盡東溟東
晴光蕩滴開鴻濛
旭日正上扶桑紅
亭臺隱顯蜃氣滅
斥堠遠近蠻烟空
青山遥遥斷海口
橫天獨鶚乘秋風
時呼一斗霹靂酎
澆此百歲塵埃冑
流年任爾添白髮
飛思直欲凌蒼穹
邇聞謝兵學辟穀
匣中劒氣韜長虹
蓬萊三山渺何許

異日倘見安期公披圖擊節壯吾子高歌遠寄南歸鴻
有感次高夏官克明韻二首

年來閒却舊巖扃僮僕應嫌鵲未靈二頃墨莊心已足
幾人塵海夢初醒愁侵病骨鬚先白春入天涯草更青
感子投瓊意何限愧無佳什付奚丁

山前山色遶籬斜慣看收租與焙茶寸策併無空許國
一年將盡倍思家鷗夷舊跡餘三泖太白新題重九華
自分散樗成底事春風無限上林花

喜雨與汪伯諧劉希賢吳原博同寅聯句

九重一念格穹蒼

汪

驀地陰雲起
允方簷溜即看渾似

注

劉

市塵那得更如狂
遙知隴麥回新綠

程

細覺宮槐

綴嫩黃明日趨朝同拜賀

吳

頌聲應喜動巖廊

汪

破柱雷聲送雨來

劉

眼前生意遍
枯茲禱祠漢室慙方

士

程

調燮商家待相才
此日亭成誰志喜

吳

早時詩就

不勞催逼人清氣
知何許

汪

頻覺煩襟滿
坐開

劉

天際陰雲散復聯

程

併將風雨作豐年
遡風羣燕衣猶

濕吳濺水新荷葉正圓草野久憐農望切

汪

桑林初識

聖心虔莫教夕竦輕相妬

程

擬挽天瓢一霈然

劉

滿院涼風透葛衣

吳

雨餘輕扇不須揮齋居靜覺心無

累

汪

吟榻清期願不違瓦鼎日長烟篆裊

劉

銅壺天遠

漏聲稀菜羹茗盃同三宿

程

詩陣堂堂未解圍

吳

沁園春壽少詹學士鏡川楊公

天啓家筵連開壽域總值芳辰喜位進儲端新懸印綬
恩加閭正久奉絲綸霜拂華顛霞明丹頰甲子而今才

一巡鳴珂巷見長庚徹夜瑞靄凌晨
膝前雙玉也何
用斑衣能悅親看才壓秋曹方恢宦轍名需春榜更冠
儒紳曲度南詞酒傳內醞珠履紛紛來衆賓偕老處問
幾番蒲柳得似松筠

盆梅為南園蔣大監賦

雪天誰解返冰魂春意攬先入禁門
蓓蕾漸看舒五出
胚胎疑為染孤根塵空冀北烟花夢思繞江南水竹村
珍重盛開應有日洗妝先試綠醅尊

梅花引

歲云暮矣萬木僵山雪未霽江雲黃竹間彷彿有佳處
野橋陣陣吹寒香冰為仙肌鉄作腸平生不入桃李場
老天有心慰清絕先遣春意回孤芳寫生近世惟王郎
一幅輕縑搖素光宛然再見姑射子瘦影下照清冷塘
羅浮夢破月轉廊羌笛聲隨風度牆喜從舊譜得三昧
不說新妝傳壽陽臨池想像白玉堂垂垂鼎寶乘春忙
巡簷欲誦廣平賦花神一笑天蒼涼

分得閭皂山送伍希淵太守考績還廣州

青山突起滄江垠，寶氣夜發騰秋旻。
鍊師叱劒啓洞穴，刻玉儼坐真天人。
山靈幾時悶琬琰，道院一日開荆榛。
寰中福地七十二，名數閭皂非常倫。
使君五馬數過此，與山識面驚鄉隣。
奏功近自廣州入，歸路復擬停朱輪。
鳥啼花舞滿磎谷，知有恩露來楓宸。
浮嵐暖翠杳難極，莞爾昔年川效珍。
奚囊欲闕兩奇絕，卷畫不盡千嶙峋。
明當有詔起循吏，酌山細倒羅浮春。

三月十七日原博諭德餞汝玉給事于玉延亭
會者賓之學士于喬諭德濟之世賢侍講曰
川校書道亨編修暨予得聯句四章時黃蓍
薇盛開復移尊于海月菴酌花酌別又得三
章予亦將有餞約而觴汝王者多刻日有次
第不能奪也手錄此以致繼續不已之意

酒半離筵客未來

東陽

諸公興淺欲停盃

寬

亭前花影

看移日

盤

池上波光愛潑醅

傑

延佇不堪南省迥

震

時玉

汝燕于禮
曹故云

淹留豈待北門催瀚
塞子恐未當君意敏政

習氏池邊未肯迴東陽

皇華南去正春風遷
水長灣頭畫鷁通寬
萬里瀟湘如

在眼盤
九重霄漢未忘忠傑
淮陽夜泊應懷古震
吳越

秋成久願豐敏政
歸䟽邊儲報明主瀚
太倉無地不陳

紅東陽

命下龍樓重歲儲震
城東春色擁離車敏政
過家路便

心先到瀚
報國身勞我不如東陽
獻納暫違青瑣直遷

諮詢爭覩紫泥書

寬

送君正是花時節

整

飲盡瓶罍興

有餘

傑

江南春色動歸人

東陽

畫舫紅旗早問津

敏政

湖口過

家魚正美

寬

城邊迂客酒初醇

傑

催詩數點朝來雨

整

撲馬無端陌上塵

瀚

莫忘玉延亭下宴

敏政

相看不是

白頭新

寬

刺藤花下送離觴

敏政

別思詩情共渺茫

瀚

折贈不須

河上柳

東陽

醉眠真愛井邊床

傑

籬根瀟瀟聞流水

整

屋角亭亭見夕陽寬繞樹未堪分去住敏政還看海月

照東堂瀚

移席東園就看花傑花前起坐即喧譁寬却因送別成

嘉集盤不用尋芳感物華敏政漸有綠陰看繫馬東陽

豈無銀漢待乘槎瀚共君秉燭須今夕傑最喜西隣酒

易賒寬

一種籬邊未滿叢瀚辦香含雨葉含風東陽遊絲惹地

牽黃蝶遠細雨臨階綴玉蟲盤滿院旃檀春欲暮傑印

池羅縠夜將空

敏政

行人幸與凭闌會

備

儘有光華付

與公整

畫竹

墨本驚傳抱節君
佩聲搖動水蒼文
龍孫鱗鱗爭穿上
鳳尾脩脩半入雲
滿地雪霜甘耐晚
一春紅綠恥隨羣
摩挲欲掃琅玕淨
恐有詩題隔坐分

送丁玉夫舍人謫晉安州判

先是王尚文給事亦謫於此

池上人如許憐君
萬里行蠻方風土
異客路早塵生一

飯皆君賜孤吟足宦情到詢前給事應續舊題名

分題得芭蕉分綠

倚石亭亭翠幾攢清標不似雪中看夢回獵圃思藏鹿
影拂書窓愛舞鸞聚扇一揮風力迥捲盃三酌露華殘
誰便淨綠無塵染細寫新詩墨未乾

吳人張祚母王節婦

三十年來婦節完玉壺清冷逼人寒松筠自保知心久
桃李空驚入社難化及鄉閭堪樹表教成兒子解承懽

憑誰更續離鸞操為譜琴聲膝下彈

題畫菜

曾移蔬甲課園丁愛嚼霜根養性靈獨有畫工知此意
能將風味入丹青

夏日獨卧西齋陶懋學貢士與克儉弟隔坐寫
畫笑語而窓外槐陰與盆石掩映宛如往歲
回舟北上時事因成一詩

卧我西齋坐兩君不知談笑久離羣牆槐影似中流見

盆石青疑隔岸分屈指三年如昨日開顏一酌又斜曛
相煩畫舫題新額滿壁揮毫動水雲

廣平王同守原常治水底績卷

一宵水決漳河衝鯨波突下驅雷風剴然蝕出賈村口
聯堤屬堰如飛蓬城門晝閉人反走四顧已作馮夷宮
貳車王公智且勇拯溺坐遣舟車通行人拔濟免魚腹
公倉保護留陳紅祗餘決口水如故屢塞屢壞愁民窮
民言必得貳車往上官委牒來匆匆王公一念通昊穹

單騎直抵漳河東左畚右鍤萬衆集指呼中坐如元戎
先䟽下土殺水勢巨捷却搔奔流中土黏石砌完且固
十里隱隱拖晴虹幾年泛濫一朝去入眼似覺滄溟空
施工次第在方寸旁觀束手真吳蒙挽牛未數百步洪
射蛟不用千鈞弓跨岸長橋復縣亘繞坻嘉木還青葱
膏腴可佃六千頃官租遮莫憂難克馬前加額來田翁
道上拍手歌村童神龍廟下磨巨石太史執筆書成功
埭稱名伯可專美堤號蘇公誰長雄我家中寓瀛海郡

北方水患恒忡忡考圖按譜多舊跡坐視孰肯勞具躬
假令稍費䟽築工斬地即挽凶為豐臨風撫卷三歎息
惠政安得千王公嗚呼惠政安得千王公

七月六日飲北城友人園亭

北郭分明遠市譁小亭幽絕似山家閒繙畫冊評三昧
醉撫盆峯憶九華秋後可容來撲棗暑中先許坐呼茶
重遊自擬非生客深巷沿苔一徑斜

題春山樓觀圖

一
帶好山橫樹杪幾重高閣起雲中何當避暑鉤簾坐
納取虛窓八面風

題畫策

籬下分披紺葉長枝間涼綴紫團香已應風味堪登譜
更著丹青與擅場

丙午六月同黃大器避暑朝天宮李鍊師之來
鶴軒

雨餘涼思一襟回琳館苔花滿石臺雙鶴遡風留語去

獨槐當戶送陰來丹爐幾向清宵伏芸檢時從白日開
避暑又看今歲始不辭水果薦春盃

愛山亭為趙夢麟主事賦

北固山前水一灣小亭遙對數峯閒要貪紫翠來窓几
日日呼童莫掩關

海岳菴頭石路通結茅人似米南宮醉來徙倚窮雙目
誤指青山作畫中

次韻賀李學士賓之誕子

吉夢遙占一月餘果然蘭茁見階除門閭不是尋常喜
湯餅連傳伯仲書骨法生來應克肖啼聲聞處定何如
眼中足慰而翁意他日將同穎上車

送婺源宗人璿南歸

相逢未久促歸裝草草停車餞一觴冰釋御溝波盡綠
日烘官榭柳初黃回瞻北斗皇州近去逐東風客路長
莫負壯年須力學舊家原住晦翁鄉

錢君宗甫以素扇索詩寄施君彥清

詩社南尋舊日盟
尚方終記國賢名
惠山泉水清如許
一為高人整濯纓

趙夢麟員外瓊林醉歸圖

甲榜傳高第
春風入壯顏
瓊林霑醉出
紫陌看花還
巾服存唐製
官儀造漢班
莫將經濟策
相愧畫圖間

題蒙泉岳先生葡萄

劉郎未撤輪臺戍
使者年年向西去
宛國傳將馬乳來
漢宮始識葡萄樹
茂陵石馬秋風寒
玄香冷落黃金盤

後來尚食不到此當時價抵千琅玕鎮夷城頭初罷鼓
謫仙揮毫氣如虎一番風味眼底生萬斛驪珠手中吐
鐵面長髯誰比倫慷慨便作涼州春兔起鶻落總天趣
日觀之徒空逼真願子珍藏無草草謫仙已逐秋花老
臨池不覺三歎嗟前輩風流到今少

侍御臨淮李君士常以蒙泉岳先生在謫時所寫菊
菊見示請賦一詩予舊嘗為毘陵下讓所得者題長
篇矣然在十年之前語凡氣弱不足齒先生妙墨之

左更欲賦之而詞氣視十年前益衰卒未能也書以塞士常之命云耳

送黃進士金還定遠

終從邊塞攜軍來又向高堂戲綵回河上薰風吹去櫂
城隅初日引離盃山間舊屬興王地科甲新傳出衆才
可得孤雲戀桑梓即看雙佩上蓬萊

送屠元勲郎中赴南京大理丞

便道往秀水省親

水花消盡柳條新好友相看別意真分署才名歸漢吏

擅場詩律似唐人鍾山到日遙瞻斗秀水經時賸得春
聞說雙旌催曉發城東還擬逐車塵

送安成歐陽子履進士奉命攜師廣中便道歸

省

君兄子相先舉進士為令休寧聞近以考滿將入覲故末句云然

驛舟南下柳初黃春凍全消水力長奉使一番聊過嶺
寧親千里得還鄉行裝價重題名記賀客歡生具慶堂
却倚東風聽候鴈定多詩夢到池塘

次同年張汝弼韻贈錦衣林公

將軍先世本材雄
常在先皇宿衛中
要識兒孫能繼武
門前喬木是遺風

和韻蕭文明給事留別

時成化乙巳二月二十四日

一日春風滿帝京
獨憐回首送君行
恩綸已覺蘇凋瘵
謫籍終應雪姓名
都下舊桃留賞約
道旁新柳識離情
瘴鄉山水原多幸
羸得珠璣照眼明

萬福寺送文明與倪舜咨李賓之二學士傅曰
川吳原博謝于喬三諭德林亨大修撰陳汝

王給事李士常侍御聯句

送客東城擁霧來

敏政

對爐先遣一尊開

岳

盤因待別

留魚味

傳瀚

詩為陶情且共裁

林瀚

庭竹未青寒尚在

東陽

江波初綠煖將回

寬

臨岐聊為歌三疊

遷

門外驪

駒莫漫催

璠

愛客幽僧開竹房

岳

春來偏稱舉離觴

傳瀚

東風立馬

情如海

林瀚

南雪欺人鬢欲霜

東陽

關樹蕭疎家在望

寬江梅零落路生香

遷

後期莫忘論交地

敏政

隨處江

湖與廟廊

經

次韻魏端壁鴻臚述懷之作

紅塵滾滾翳雙瞳一室蕭然借遠公
守道懶隨人俯仰
肅容常立陞西東
平生志肯隳家學
薄官情思翊聖躬
聞說感時新扣闥
萬言長疏已留中

題南京邵思誼漏月軒有莊孔陽同年記

定山居士久離羣
一紙新傳漏月文
文古字奇誰似者
近來應學武夷君

小軒生業未全貧為厭笙歌暖送春上雨旁風元不計
只教明月下窺人

送王汝璧同知自河南督運大同

壯哉騎馬出居庸轉餉歸來倏過冬敵境尚聞傳夜柝
漢屯誰復事春農髮隨驛路年華改酒入旗亭別意濃
菜色更深伊洛地使君何以慰喁喁

送寧縣張泰省母南歸

久侍嚴君官冀北又寧慈母返江南舅家派遣新通譜

官邸情深屢接談行處片帆衝暑雨到時雙屐破晴嵐
承恩堂上春如海預喜稱觴客盡酣

奉侍父官京師將歸省其母程孺人因其內兄爵求
子詩爵之先蓋自新安徙寧之遠溪藏有先朝舊譜
真子忠壯公所同出者也其母嘗受恩封故詩及之
六年考滿日偶成

廁跡官僚十載餘無功堪上考功書冷官幸免三宜黜
醜女真成百不如髮白漸驚聞道晚才非原合致身疎

經幃不厭儒生說，敢惜朝朝理蠹魚。

寶澤堂為吳人陳翁賦

寶其父所書小學也

有美太丘翁，家聲重吳城。授子以詩禮，不貴金滿籬。籠
中小學書，手筆嚴且精。翁去條幾年，諸郎亦多成。進思
過庭訓，展玩驚如生。什襲古縹囊，共守百世程。恭惟考
亭老有期，在躬行我願。君子心顧此，寶澤名芸香。拂舊
籤白石田，光榮勗哉景。賢範庶以歸鄉評。

書仁里族姪佐時家慶卷後八絕

弓冶相承每自憐
喜聞能受一經傳
春風綠鬢芸香重

何止青雲屬少年

右付簡簡年十五歲能舉業

古來耕讀兩相循
立志誰堪慕有莘
聞說一犁春雨後

綠陰長作帶經人

右付策策年十四歲好耕讀

儒碩堂深世祿長
雲烟飛處墨花香
對人好寫顏公帖

珍重吾家白面郎

右付祿祿年十一歲

夢中疑有筆生花
不比書窗學畫鴉
努力顧名思擢第

讀書休負好年華

右付第第年十歲

書齋晴日乍揮毫天與佳兒一字褒吉兆已開休忌取

家風須並士風高

右付即卽年六歲學書時先草一風字

紅隱危樓御墨鮮家鷄何止得家傳文章不愧昌黎伯

好讀城南訓子篇

右付符符年六歲

早從懷抱識之無太傅功成雪滿顱玉汝異時探學海

碧霄紅日看鸛雛

右付範範年二歲即認海字

風塵楚楚脫塵凡更向羣中數阿咸坐想後來應跨竈

笑人終歲著青衫

右付治治年七歲自祿下多解草書或能吟小詩

子宗姪鄉進士佐時自新安上禮部出此卷乃予別
後其家有八子昆仲叔姪皆聰穎異常如此殆先世
所蓄之厚而致然耶今佐時受命出宰新昌因賦八
絕寄示少寓勉進之詞亦自慶云爾觀者勿謂其有
譽兒之癖可也

送鄭太史廷綱赴浙江提學憲副

長身玉立舊詞臣喜服牙緋拜命新一舸遡風驚遠別
諸生懸日候分巡譜通夾漈歸閩產學數康成重漢人

知子政閒應念闕吳山高處見楓宸

送小彭閣老養疾還安成

幾年黃閣贊宸旒早乞身間未白頭多病漸馳林壑夢
寸心終切廟堂憂新分雨露隨雙履舊積圖書載一舟
勿藥有期應更健九重虛席待前籌

送教太史靜之赴江西提學憲副

鄉榜曾傳第一人詞林相見十經春史堪朱墨掄才久
服稱金緋荷寵新官向洪都分憲節化從殷序播恩綸

巡行不用申條約白鹿遺規有翠珉

送蔡德馨從父宦遊三衢

中郎年少美丰標千里薰風拂畫桡此去壯懷增幾許
推蓬初看浙江潮

綵侍寧憂客路難直從魚浦過嚴灘吳山越水經遊處
得似當時畫裏看

送盱江宗人正式南還

廷式雪樓先生六世孫

梅雨多時水正肥河梁遙逐一帆歸阮南有譜通應久

郢曲無才和轉稀
明月屢回桑梓夢
紅塵不上芰荷衣
舊家人物如君少
無限離情對落暉

篁墩文集卷七十五

欽定四庫全書

篁墩文集卷七十六

明 程敏政 撰

詩

與李世賢學士邵文敬太守同飲復春楊氏玉

河寓館聯句

盆池香散一株紅

程

盃酒臨軒醉晚風

李

病起故人剛

下馬

邵

別來豪論欲吞虹

程

夜深明月當窓白

李

天濶

流雲墮地空

邵

擬剪碧筍尋後約

程

吟壇高起玉河東

李

醉來高卧碧紗幮

李

何似臨池靜看魚

程

晒藥有香隨

屐齒

程

落花無意點衣裾

邵

十年故舊憐青眼

李

江湖託素書

邵

無限交情重對酒

程

夜闌張燭夢何如

李

送吳學士汝賢蒞事南京

吳兢良史最知聞
南去詞林職暫分
白下山川堪寄傲
青坊冠冕惜離羣
才高未許終淹驥
官冷何妨且售文

曾向玉亭看舊刻恨無清福可陪君

送曾士美侍讀蒞任南京

春風吹水一帆輕喜拜新恩向舊京對策本無阿世語
上書終有愛君情北辰統夢瞻天闕東壁流光動石城
分署近來人物盛閒居贏得頌時平

送楊維立侍讀蒞任南京

特奉新恩舊所無奎星光采映南圖暫分曉日鵷行侶
未覺春風鴈影孤江左詩盟添社友關西經學盛門徒

不須對酒增離思
天遣才名重兩都

送庶吉士吳儼養疾南還

一舟選出潞河潯
賜告南還喜不禁
吟望銅官秋屐遠
夢回天祿夜燈深
青年覓賦思歸引
白日長縈戀闕心
屈指重來身更健
春風雙佩入詞林

蟠桃圖壽星者王璧母句容陳孺人八十

海上仙桃熟幾番
寫生光映北堂萱
九重好見旌孀節
八袞今看啓壽元
慶衍太丘知閎閎
秀鍾勾曲是鄉園

賢郎最解君平術甲子無煩絳老言

送姑蘇仰彥政同知濱州

離歌一曲帝城南喜佐名州促去驂
禾黍送香秋正熟衣冠為別酒初酣
人材久說虞庠盛德化寧當漢史慚
闕下有期重到日問閭甘苦聽君談

壽亞參吳文盛母夫人許氏七十

七十精神不用扶慶辰須見雪盈顱
壽萱吐秀侵香鴨慈竹連陰護酒鳬
恩湛北堂重賜誥瑞徵南極更張圖

分藩有客歸寧便無限情申反哺烏

贈別徐廷盛親契南行

殘暑西風促去裝潞河南下聽鳴榔小槽酒罄鄉情在
半榻塵生別意長脈理近誰諳太素名途還子逐飛黃
題詩為訂重來約多病相煩寫異方

輓工部顏員外涇父母

綸書初贈水曹郎旌典仍題貞節坊家聲何止萬金直
吉壤俄看雙玉藏遙望吳山為誰好忽聞楚些令人傷

史臣有刻詔千載壽筭寧須論短長

尚書謝大韶先生哀輓

文章座主大司空
曉夢驚隨逝水東
汗竹香生良史墨
宮花塵拂狀元紅
英魂彷彿陪仙馭
卹典分明感聖衷
丹旄素輦攀送地
不勝清淚落西風

送侍御朱朝用副憲山東

聖主龍飛景運開
牙冠人數出羣才
方期抗疏當前席
忽報承恩佐外臺
曉路星辰瞻北拱
春城車馬候東來

洗冤澤物君能事聽取歡聲遍草萊

飲會昌侯公子錦衣池亭

白苧風生暑未收夕陽容我復遲留危亭翠匝諸峯晚
小洞陰涵六月秋醉裏尚能窺畫品興來何必置詩郵
摩挲欲剖琅玕節留取題名續勝遊

雨中飲孫雪亭家看竹留題與雪亭子願

紫翠中盤一逕苔竹庭深處絕纖埃穿林賸見新篁出
破暑俄驚舊雨來秋露不辭分甕吸春風何必選花栽

主人愛客能傳子白社還應幾度開

送徐用和御史調平涼鎮原縣令

東風作輕陰寒雨半成雪
端居政不怡況子有遠別
子本江漢英所學重名節
平生愛君心詎忍結吾舌
一疏天九重冗食愧饕餮
皇恩真浩蕩暫遣謝朝列
迢迢西入關山水幾盤折
從來行路難士豈動憂悅
相送城東門車聲曉幽咽
勸子酒一卮世故若騷屑
勗哉夷險地仗此一寸鉄
不久應賜環離歌勿終闕

憶家山有作寄逸民用光道新

古城岩下半莊山恰對澄江水一灣
列岫拖嵐圍竹塢小塘分綠浸柴關
醉招猿鶴驚相下清愛漁樵去復還
此景近來頻入夢病身何日可投閒

隔林沙逕到岩扃繞舍奇峯疊翠屏
野話有時逢衲子溪行隨處課租丁
看雲淨掃松間石避暑閒登竹下亭
一自別來空悵望移文真愧北山靈

分題履壽周原已院判乃尊

老人不踏紅塵路踪跡常便水竹居躡屐登山如壯日
杖藜隨步勝安車庭中任解王生襪橋下誰傳孺子書
但祝僊喬同壽考雙鳬他日得凌虛

送佾都憲大器巡撫畿北

憲節煌煌出帝州一時風采屬君侯姓名已副蒼生望
籌策應分聖主憂六郡鋤犂思樂歲三關兵甲待防秋
行臺咫尺紅塵近先聽封章達冕旒

送翰林檢討方昌言考績還南京

風流文采舊詞臣闕下重逢喜暫親
別意兩分鰲禁月官情三及鳳臺春
山行水宿仍歸路飲社詩壇足慰人
何日南中容半席玉亭深處看霜筠

丁祭日簡賁司業廷言

陪祀年年候孔庭每從司業借莎廳
衣冠假寐環東壁鐘漏傳籤報上丁
禮罷珮聲風隱約歸時燈火夜晶熒
病軀無分随班列展轉齋居寢未寧

陳通政夫人哀輓

即中綯之母

曉日高堂罷起居
髻絲蕭索晚霜餘
迴鸞色慘皇封詰
辟蠹香銷女戒書
潮落錢塘悲逝水
山圍龍井見幽墟
賢郎啼血扶歸襯
不忍重看舊板輿

西寧侯著色牡丹為英國公題

侯門三月花如錦
分得春光與上公
何用洛陽求異譜
彩毫隨處落香風

鏡中誰點舊姚黃
金縷衣輕翠袖長
倦倚東風嬌白日
王孫亭榭見花王

送徵書紀南遊

爐薰經卷束裝行
秋入船窻水氣清
禪室未忘星北拱
鄉心遙逐鴈南征
三吳錦樹長洲苑
六代青山建業城
來往詩筒應不絕
聽人傳取惠休名

送定西侯總戎北征

手提金印下龍荒
九月邊城草木黃
隨處建牙分戰士
刻期輿櫬得戎王
風吹漢月笳聲遠
霜拂胡雲劍氣長
擬聽玉關馳露布
泰階那復候天狼

寄于文遠戶侯

橫經日日綴鵷班
致主無才獨厚顏
追憶舊遊春醉處
夢魂常遶歙州山

題畫二首

白葦枯荷兩岸霜
水禽相戀水雲鄉
人間手足情何似

落日秋原引睇長

右枯荷
鵲鴿

竹間無數玉森森
漸覺春隨雪意深
山下地偏人跡少

野禽能識歲寒心

右梅花
翠禽

為周都尉題沈石田畫

不見姑蘇老沈郎披圖疑在石田莊
眼看雪乳春醪解手拂雲根午坐涼
高柳似填山下缺奇峯如出鏡中妝
草庭都尉能珍鑒何日重開寶繪堂

送戶部葉叔通郎中知寧國府

民部清風十載餘金緋一日荷恩除
秧田麥隴宣州道多少人迎五馬車

桑梓悠悠共歛城官遊京國倍多情
紅塵離合常無定

從此相看聽鴈聲

昔年曾過敬亭山
花霧濛濛濕翠鬟
別後山容應不改
憑君傳語慰孱顏

宛陵祠下竹娟娟
一榻曾分聽夜泉
携酒寓公誰復在
六回春色到吟邊

故鄉喬木隔山青
山郡人應候福星
民俗士風諳已熟
不須隨路借圖經

村村鷄犬日相親
宣歙山川本近隣
他日釣遊仍作伴

不慚曾是受田人

司言儀賓府賞菊

眼底衆芳搖落時主家猶見菊花枝
偶同遠客燈前笑却後諸公卷裏詩
樂趣定期邀月飲交情誰比傲霜姿
晚香明歲還如故百遍相招我未辭

題沈石田懸崖松

根蝕蒼崖露半腰聲隨風雨落寒潮
小堂六月題詩處不覺人間暑氣消

送長洲孫進士林赴南京刑部主事

東風吹塵撲征車欲行未行立踟躕行裝蕭蕭一何有
上載經史下刑書子向金陵意甚適咫尺吳門是鄉邑
登舟坐想春渡江餞者如雲曉亭集亭前新柳颺金絲
手折聽人歌柳枝鱗魚竹筍滿南國正是官曹開讌時
慰李世賢學士喪子

雙鳳聯胎本夙緣小郎頭角更堪憐那知一片青雲器
只向人間住七年

聰明何止識之無禮貌分明似壯夫惜此鍾情何日了
朱門愁絕舊懸弧

每回騎馬到君家延坐中堂解供茶白日重來空淚落
窻間惟有字如鴉

春入高堂夜啓筵愛渠長立彩燈前丁寧勸酒呼程叔
此語何時去耳邊

全嬰有術貴徐徐忍遣庸師斷送渠同榜弟兄雖異姓
為君思樂誦整書

暫寄藤棺古佛堂
神仙空說返魂香
月河橋下東流水
那及人家此恨長

瓜祝詩成歲幾更
人間悲喜漫多情
他時返吊還成賀
添取新篇續舊盟

氣數從來有短長
達人那復計彭殤
知君年力猶精健
他日須同賓十郎

李士常侍御瓜祝卷次韻

弄璋那惜酒頻餘
奇識新徵李氏瓜
香實下臨苔逕密

瘦藤紛繞竹棚斜
歌聲久入風人譜
慶澤先歸友婿家
聞道諸郎能典謁
款門他日待供茶

夢熊今已十年餘
入手真憐二月瓜
根勝預期穿土早
子多從遣壓離斜
來禽青李思臨帖
白雪陽春愧作家
他日餉人分數蒂
一封兼侑歙州茶

西涯翰學瓜祝詩
盛行縉紳間
有和即驗其友婿力
齋侍御乃首驗者
斯亦奇矣
予自生壩子
今十年未
有弟之者
然不預倡祝之例
新春將手種瓜
厭飫之

覲以自效瓜如有靈又當分惠有子而久不繼者或
可附西涯故事並行於世云

送鄉人方亮南歸

佳水佳山說古岩每回回首望雲杉松花有約分春甕
貝葉無從啓夜函南國風光勞客夢東華塵土弊朝衫
因君想像還家樂浦口灘聲早下帆

題定西侯畫萊次俞振恭侍郎韻

畫史當年亦奮庸園情猶共墨花濃土酥辣玉真堪羨

菜色何人動兩峯

南憲遺教為劉道亨編修賦

南憲人去幾朝昏遺墨能看一卷存素楮裝潢皆手澤
縹囊舒卷半啼痕後生繼述心良苦先達流傳道可尊
風散芸香霑剝馥春回蘭玉長芳根泉蒙養處占羲象
庭訓聞詩企魯論策似董生還及第經傳劉向本專門
玉堂繩武推嚴侍紫誥貤封荷霈恩棄簡三年嗤伯魯
書紳終日慕顏孫畬畬轉覺名家盛慈教堪令薄俗敦

祀典何當分里社書聲猶記出沙村擬斟一勺西江水
遥斟青山處士魂

題周草庭駙馬二小景畫

幽人最得幽居樂山上危亭溪山閣時容野客到柴關
不放紅塵過林薄新秋衆木青且黃烟中遠浦聞鳴榔
漁樵倘許結新社便欲垂涎雲水鄉半枕悠悠夢初起
忽見丹青如夢裏披圖說夢兩茫然蕉鹿分明浪驚喜
草庭都尉冰雪顏胸中丘壑非等閒何時對景淪新茗

細話江南溪與山

初春嘗畫夢與人遊山甚樂既寤草庭都尉以便面
小景索題恍然不知夢之為畫畫之為夢也心甚異
之為賦此詩但目中佳處口不能盡發之耳

一夜山中三尺雪銀海周迴爛銀闕呼童掃逕啓柴扉
竹外梅花正清絕主人高眠塵慮空有客扶杖來溪東
千崖萬壑暗香度乘興不減孤山翁早風吹塵不成雨
對畫欣然一揮麈四圍寒氣欲凌人如坐冰壺失炎暑

去酷來清君子心平生不受炎涼侵梅花三弄白雪調
惟有周郎知此心

久曠熾暑渴心生塵忽展此圖懸之素壁洒然如在
溪橋風雪中毛骨凜凜不知寒從何來暑從何往也
因下一轉語以復草庭草庭當擊節以為果哉否乎
飲王世賞侍講園亭限韻一首

向晚移尊傍石屏客身修竹兩亭亭詩慳併上配顏赤
齒壯難留短髮青豪論未須揮玉麈渴心常欲繫銅餅

感時更憫東郊雨日送晴雲入杳冥

過豐潤伯曹公留飲

何處西城遠市諱南薰亭榭五侯家主人賭令頻輸酒
侍史敲冰旋淪茶清暑最憐風外竹慰人猶得雨前花
蹇予舊契非生客一任山頭白日斜

楊應寧舍人相邀避暑韓太僕園與倪舜咨學

士聯句

赤日黃塵奈暑何郊園惟此綠陰多

程

四窻滿酒餘桃

李一逕紫紆繞薜蘿

倪

地主盤飧饒楚味野人絲竹尚

燕歌

程

斜陽欲忘歸途遠十里新堤帶玉河

倪

題王司言儀賓文會軒

門前車馬漲塵黃靜裏開軒得趣長
當院日翻槐蔭密繞畦風送菜花香
誰家歌舞堪尋樂此地衣冠欲擅場
滿壁定多詩紀勝主人無惜費壺觴

送傅揮使還遼陽

新命金緋自日邊匆匆鞍馬又東旋
朱顏似有封侯骨

綠髮方當報主年沙磧夜屯占堠火塞垣秋獵護營田
功成異日先諸將莫負家傳豹畧篇

揮使之父都閫公邊城風將也先少保襄毅公天順
初持節東巡都閫實從之今謝兵家居而揮使承其
後異日必有振其家者言別之際賦此勉之

送同年戴時中侍御謫判雅州

一尊清曉餞行軒又見名流出憲垣南北暫為今度別
卷舒還誦昔人言怒江舟楫經三峽絕塞弓兵控六番

莫謂相忘天萬里九宵恩露不勝繁

次韻沈廷美尚寶考績還南京

金殿西頭舊奉宸重來何處問歸津尚方玉醕頻沾醉
南國烏紗不耐塵千里盈虧江上月十年離合社中人
初秋傾倒旗亭宴莫問詩神與酒神

客邸相逢語未窮分携俄復笑萍蓬肯因官况侵頭白
且遣離觴拂面紅古寺藤陰堪繫馬水村蘆葉待歸鴻
兩京不遠那傷別幾日鍾山入望中

歸省圖為宋珍監生賦

幾宵客夢繞慈闈仕路將亨喜暫歸倚杖涕隨青露落
稱觴心共白雲飛何蕃譽重諸生館萊子光添五色衣
忠孝一原君努力他時分寵報春暉

劉振之自求壽詩

歲歲佳辰一宴開坐中相壽總詩才因詩記子懸弧日
也約明年載酒來

壽吳門蔣竹居九十進士縣尹昂之父

銀燭東風作上元正看稱壽客盈門朱顏鶴髮真人瑞
繡服烏紗稱主恩令尹才名分甲第此君風節共丘園
佳齡滿百渾閒事膝下重摩幾世孫

孫公子養正求題松贈徵上人南遊

誰分岩下種孤秀出叢林力飽氷霜健根培雨露深坐
憐方外友持結歲寒心已共論三宿臨風更一吟

戚里孫養正公子與隆福徵起宗上人交甚稔起宗
南遊養正求題此以贈顧予已有詩贈之矣然所以

愛起宗者無已也遂申賦之

和焦孟陽侍講經筵宴退韻

講餘開宴日
瞳瞳仰荷君
王禮意隆
法醞似笏金
水綠宮衣遙
射玉闌紅
班資間閣親
元老門榭
追趨屬上公
致主有心才
不逮十年陳
說負天聰

因講春秋召陵有感再用前韻

斜日難回曙
影瞳王心消
歇霸心隆
屈人包匭菁
茅問照眼牲
盤軟血紅
萬世綱常尊
孔子一時民
物賴桓公

東都不是無元宰誰為天王達四聰

張一之除臨城知縣

百里封疆古縣男喜君才力正相堪紅塵落日淹離醞
黃葉西風促去驂社稷禮成官亦重弦歌聲起化應覃
他時不負承恩處徽國遺書得指南

聞趙孟麟主事移居入城

聞說愛山子移居近入城紅塵遙隔路粉堞正當楹客
刺投應便朝更聽最明來朝先定約携酒慰新盟

題揚州楊成玉太守梅花

紅紫繽紛落暮寒
貞姿偏耐雪漫漫
廣陵太守能題品
不作瓊花一例看

題四鵠圖

東風開遍薔薇萼
禁網稀疎罷繒繳
珍禽顏色亦可人
紫袖雙垂比宮鶴
隨時飲啄兩雛天
然母子行相呼

撫景令人發三歎
耳畔如聞城上烏

右紫
褐袖

海榴花紅搖日光
初平石畔薰風涼
河西北種不易得

玉羽六月飛吳霜憑誰貌入丹青裏金籠雪衣呼欲起

清時恐有放生人獻壽能令相君喜

右白河西

鐵衣玉項雙紅趺入眼精神如燕鳥太湖峯下立相倚

徘徊顧影憐芳膚幾色黃花傍幽沼一陣西風動寒篠

傳書能副曲江公何羨當時上林鳥

右皂套項

山茶紅香竹青節掩映馴禽羽毛潔馴禽羽毛生絕奇

墨華點破雙團雪朔氣吹風肌栗寒雌和雄鳴隨所安

羣飛寄語莫驚顧鷹隼寧過花石闌

右白點子

鄉舉同年會集武學得請字

昔在京闈士名錄亦煥炳樓指十六年散居星耿耿離
合苦不常相顧惜萍梗薄言酒一卮溫此舊盟冷武庠
國東隅良會惜幽屏矧當履長節君子受初景居然雜
還來曾靡費招請乃知同袍人不啻共廬井笑談既款
浹丰度益修整蹶然觥籌交紛彼絲竹騁浮生大塊中
取樂幾俄頃天寒白日速華燭坐堪東明明尊俎間我
願事箴警學哉加進修仕者效忠鯁務令吾榜人一一

盡荅穎松節堅平生蕉味期晚景犬馬齒最卑竊祿秘
書省悠悠附驥心陽春愧歌郢

先公同年之子二十七人作通家會漫成一律
屈指通家四十年舉盃相屬意茫然一家兄弟非生客
兩世衣冠本夙緣晝短不妨燈繼晷情長那惜酒成川
無前勝會從今日願保家聲作美傳

壽仙圖壽順天馬汝才通判乃兄汝明

祈閭老者推黃髮京兆能官數白眉瑞彩遠隨南極現

高情那愧北山移
黃鍾律轉知陽復
紫府圖成與壽宜
看取鳳雛昭世澤
不妨鳩杖樂期頤

送趙文聲知博興縣

碧雲涼吹滿林皋
奉檄東行屬俊髦
百里為民常擇尹
一官旌異得均勞
河橋秋別猶攀柳
縣郭春來莫種桃
齊魯弦歌原接境
看君今日試牛刀

錢孝子

至性由來不易論
兩番刲股報親恩
驚心苦塊三年閔

人眼羹牆百世存宅里可旌新孝子弓裘何愧舊王孫
此身不盡推仁處更看城東漏澤園


次韻送沈時暘叅議提督福建銀課

上京才喜坐逢君行省那堪手更分粵地山場今責貢
隱侯家世舊崇文芝書戒曉頒官露桂檝凌秋動水雲
此日牙緋應暫別漢庭香篆待重薰

送安成劉靜洙赴曲江教諭

嶺南佳處曲江頭喜載青氍作官遊孔殿韶音猶仰舜

漢人經學久宗劉壯顏不逐流年改化雨能兼宿瘴收
學半有功須重惜禮闈高選待春秋



篁墩文集卷七十六

欽定四庫全書

集部

篋墩文集卷七十八

詳校官編修_臣李堯棟

中書_臣劉源溥覆勘

總校官進士_臣朱 鈐

校對官監丞_臣張魯炳

謄錄監生_臣陳 燦

欽定四庫全書

望墩文集卷七十七

明程敏政撰

詩

菊莊圖為致仕章元益給事賦

秋氣入墟落涼颼振疎林繁華坐銷歇一逕穿籬深籬
東有晚色粲粲千黃金不隨時物變肯受繁霜侵陶令
去已遠寥寥孰知音章君瑣闥彥時名屈當今一朝謝
塵鞅返駕鄞江濤舊社作新主永日消煩襟年來嬰世

患未獲窮幽尋念此松桂友敬使丹青臨遙遙歲將晏
采采勞歸心黃花故無恙白酒且復斟一酌為子壽再
酌為子吟天意久乃定相期肅纓簪花神永結好冷眼
窺浮沉

送都憲左公廷珍巡撫遼東

關西聲價重提刑又總行臺出帝庭千里封疆當北鎮
九邊綏服盡東溟皂囊坐遣烽烟息寶匣長韜劍氣腥
宵旰分憂在今日不須崖下勒新銘

定西侯蔣公筠清軒卷次周草庭都尉韻十絕
高軒近北城幽逕折三四中有長琅玕知人歲寒志
臨池寫來禽坐石呼格五森森蒼雪寒九夏失炎午
新開八尺庭迥異五侯宅眼中籀龍孫無不一當百
結客總豪俊詩壇如將壇呼童刻新粉記取最長竿
愛此萬玉林不下簣蓄谷時汲井中泉殷勤溉慈竹
裊裊翻翠雲涓涓淨塵思借看來何人苔堦屨痕二
虛心能自保世態非所甘江梅與巖檜交情澹成三

名園盛韋杜紅紫動盈千何似總戎府清風兼渭川
將軍誠好文盛世不忘戰時對抱節君孫吳閔終卷
欲待此君醉竊分鳳尾餘他年殺青手高節為君書

賀東寧伯焦公得男

珠箔高懸獸錦紅侯門佳氣喜葱葱啼聲試處知英物
骨相生來有祖風開宴競投新玉果傳家先拭舊彤弓
分明世契非生客湯餅還叨入會中

送西隣毛貢士世傑知汲縣

東社西隣歲幾更，恩銜初得令君名。
禁中曉日辭天仗，客棹薰風記水程。
石表忠魂留孔冢，山環遺堞撫殷城。
定多治迹如崔瑗，看取邦人續政聲。

送都水姚懋明主事改任南京儀制

曾向青源識俊髦，恩除重下為均勞。
留都官愛新儀部，驛路人迎舊水曹。
千里長安隨日近，萬年鍾阜入雲高。
官情鄉思誰兼得，莫惜離亭盡濁醪。

播州程氏世澤堂

聞說家聲自洛中幾年移築向蠶叢短檠不廢箕裘業
一劍長收保障功心吐秀葵知曉日根蟠喬木自春風
等閒慶澤應難盡長共滔滔蜀水東

追思舊遊寄浙江左時翊叅政十絕次草庭都

尉韻

湖船詩十聯半入煙霞氣我語慚不工居然別涇渭
倚擢岳墳菴碑本見遺墨萬古擎天功高峯峙南北
草滿六橋路依稀放鶴人道傍修竹裏時見一枝春

開尊淨慈閣鵝鴨滿湖田對岸雷峯塔亭亭入暮天
三生空有石三竺未成賦徘徊九里間吟情拂高樹
天外一峯迴飛來勢未降冷泉亭上立逸趣洒寒江
石屋龍潛處題名憶長公洞門喧水籥苔逕失西東
一甌龍井寒未續茶經筆林外忽聞香僧房焙茶日
山形統廢宮一鳳雲中度下見淞江潮寒聲自朝莫
憶登保叔塔舉酒別諸君兩聽春鴻過相思逐片雲

送馬天祿給事赴雲南僉事

禁鐘曉初歇騎出城東門惜君有遠役相携薦芳尊君
本瑣閹彥忠言動天閣起居今十載廷謝初蒙恩西南
萬餘里滇江浩沍沍輶車足時雨憲節明朝暎大夫挾
壯氣撫此歲月奔紅芳漫春色青松自霜根迢遙古南
服慷慨扶風孫行臺知有道後會須重論

次司馬通伯侍御留別韻二首

風流儒雅重分司先德猶傳宋太師學制久非三舍法
教條今過百年期冰霜飽歷承家訓桃李深培答主知

聞說行臺多暇日餘情還付墨林漓

相違不覺又經年日月真同蟻磨旋養士定知湖學盛
憂時曾說賈生賢一從憲節分江左幾遣書筒到日邊
大雅寥寥今未作黃鐘應待協宮縣

飲慶壽寺東似聰講經

紅塵飛不透疎簾白日行空漸向炎柳絮挾風常滾滾
麥苗經雨倍纖纖上方慙喜朋簪盍西郭從教酒價添
更愛遠公能入社他時有約問楞嚴

送仰進卿給事僉憲四川

天子念飢歲方勤西顧憂川陝本相接君子可淹留當
時文石陞往往聞嘉猷况茲行臺尊恩言若為酬提印
走列府洗冤及遐陬功名當駿發壯氣橫高秋誰云蜀
道難為子歌安流

挽致仕于千戶

文遠之父

春風吹面雪盈頭已過人間八十秋山成畫閣惟繫馬
水村天遠獨盟鷗周窮義重焚逋券知足心長守樂丘

身後有人能接武轅門聲價到皇州

又

每過深巷拜儀刑不覺籃輿幾日停
醒眼愛留通夕飲壯心慵展衛生經
別來吟髮添新白望裏家山只舊青
千里生芻嗟莫致一緘哀些涕交零

題傅曰川諭德蜻蜒便面

五月京華吹旱塵江鄉風物繫情頻
滿陂綠水連堤草雨後蜻蜒不避人

書帶青青草似苔
絳騶飛處小蓬萊
良工可識詞林客
為作朱衣入眼來

挽西莊畊隱章處士同知廷圭之父

紅雲含日照西莊
楚些聲中白髮長
杖履忍看桑柘影
衣巾猶帶薜蘿香
壽於呂尚非徼福
死比黔婁合謚康
經學已聞傳令子
功名無愧古循良

分得惠山泉送張公實叅議還浙江

歸然九龍山下有鳴玉
聲蒼蘚絡深罅
潏潏流石泓
逝

人一迴首倒影下空明
峯頭陸羽祠俯瞰若有情
峯麓聽松菴織竹存遺鐙
我昔停征車憑闌濯塵纓
一斟毛髮爽再飲肌膚清
中濡乃伯仲此品寧虛名
張公佐淞省矯矯人中英
峻操如隱之冰蘖相崢嶸
泉石豈無癖所羈在王程
官舟忽南下尋源重茲行
懷古應有作顛崖念蒼生
龍團笑茶譜石鼎憐詩盟

雨後過文會軒

雨後名園我獨來
淺紅深綠繞池臺
禽聲也樂消煩暑

馬首初看淨宿埃，鄰客有期頻折簡。主人乘興即銜盃，
偶然良會須終日。一任殘陽下古槐。

送黃巖黃汝彝赴休寧訓導

浙東經學推黃氏，玉樹臨風見一枝。山邑百年弦誦地，

自今應喜得良師。

君今通政世顯從
子世以官學聞

宮牆遙隔練溪灣，門對青青玉几山。分擁臯比應最樂，

書聲時出翠微間。

休寧學地幽勝
君至則知之

孔殿西頭企德堂，兩賢曾此託維桑。衣冠俎豆瞻依處，

洛學千年未可忘

二程子之先本出休寧近始立專祠得列祀典

溫公家世不凡才六一清風滿後來知子教條還易舉

類宮星斗夜昭回

司馬提學歐陽令君往往遇當必有合矣

送宗人德望進士還德興

一宗元自相湖分雛鳳新呈五色文家慶暫應紆綵服
橋名先已識青雲水開水國舟難滯春入郊亭酒易醺
小別重來堪屈指鵷班風節待超羣

送吳容之進士還歙

二月鶯花滿帝城手扳黃柳送君行
傳家舊熟麟經筆
中選新題鴈塔名
畫舫搖春新旅况
綵衣稱壽足親情
還鄉不久應趨召
重遶鵷行玉佩聲

送族孫鳳翔還浮梁兼柬其兄徐州同守楚英
相違無奈帝城垠
撲面流塵似水雲
酒興半生過阮籍
鄉情終日仰番君
船隨賈客行裝起
曲愛歌童別調聞
路指彭城應問宿
雨中新榻許誰分

送李知事還蜀

大夫勛業重先朝合有鵷雛振九霄幾載宦情宣室近
一番離思蜀山遙歸帆正藉東風馭戀闕長懸北斗杓
簪紱重來知有日不須扳柳向河橋

通政知事合陽李君天錫今致政都憲先生之子先
生有迎蹕大功於先朝未食其報而天錫以文才見
擢供奉南薰殿還鄉待用人尚未滿也惟先少保尚
書襄毅公於先生為同年予不佞近接天錫始獲通
家之好因賦此以致區區之意云

蒲窻清隱為蔡德馨賦

石髮森森照水寒
綠雲搖動紫瑛盤
歸來不道清如許
疑在君家畫裏看

葉葉都含淡墨痕
窻前生意藹然存
摩挲九節如堪斲
誤遣山童為洗根

古人以物之美者為入畫畫之佳者為奪真若蔡君
養草之癖陶杜二子寫生之功亦可謂兩絕矣

送岳時雍上舍歸河間

與君傾蓋會京華兩見春風陌上花
折簡故人聊隔巷
攻書兒子亦通家
忽傳行李騰歸騎
滿罄離觴泛落霞
雲路功名消息近
重來雙佩看趨衙

金陵十景分題其二為倪彥達賦

鍾阜晴雲

秣陵東來神秀鍾一山崛起蟠蒼龍
層雲半露白日迥
海濤湧出金芙蓉
晴光遠帶建業水
王氣上統軒轅封
江南佳麗此第一
乾坤萬古留茲峯
少年攬勝今閱畫

眼中紫翠猶重重舊京投散當有日看雲作賦消塵容

石城霽雪

石頭城上黃雲消石頭城下紛瓊瑤登陴四顧窮遠矚
長江萬里飛銀潮鴉翻落木隱樓堞虎踞寒山嗟六朝
衰生九京那可作莫愁雙槩誰招邀古來重德不重險
方今一統歸唐堯豐年幾見飽麴麥太平有象歌漁樵
賞王司言儀賓府千葉緋桃

賞心常在鳳池東一種繁華也自紅細葉巧隨金剪落

靚妝勻試玉奩空移根曾見新培土凝睇渾如舊倚風
重凭畫闌驚歲月不辭觴詠遶芳叢

次周都尉韻寄平江伯

累朝勛業在鐵券鏤黃金雪點憂時髮丹輪戀闕心早
風吹泗水古月照淮岑何日明堂棟工師問百尋

送潘玉汝進士

岐路花飛酒滿斟送君遙記練江潯賞蓮已協登科識
折柳難勝贈別心畫錦極知官况好宵衣還體聖情深

重來不待賓鴻促擬向鵷行續佩音

壬寅秋予家居練水之上玉汝與諸友嘗相從講習
時盆蓮出並蒂一枝予有擬開佳兆待諸公之句又
明年玉汝舉進士殆詩識也今玉汝當公務於南畿
有過家之便因賦詩以贈且道舊事以見出處之不
偶云

周德章駙馬府賞海棠

冥冥花霧擁迴廊冉冉猩紅隔畫牆按譜更誰爭有韻

失評空自說無香莫燒銀燭驚春夢好障丹紗護曉妝
仙種北來初識面臨風拚醉九霞觴

國子祭酒古蘆先生李忠文公哀輓

文皇中興初吉士誰第一侃侃忠文公抱此金玉質官
銜應列宿講讀近清蹕平生媿媿姻不復計行尼西曹
曾幾時入秉太史筆仁考適更化四海期紹述仰茲堯
舜主或恐有遺失伏闕陳忠言激烈動霜日不懼犯旒
宸誠願甘斧鑕我冠者何人却走仍汗栗繼聖數矜容

恩澤亦洋溢經幃資輔導詞苑樂閒逸荏苒雙鬢班老
大更歲律巖巖大司成寵命一朝出諸生得耆俊奮志
起經術云誰干政機所欲在私暱古廬匪今士危讒勢
相嫉青衿爭代死白日可屈膝過眼風濤平砥柱高岸
律乞身一再䟽興與歸烏疾故廬西江許安坐理參朮
天胡庶若人不遣位丞弼一宵星墮瓦徒興哲人恤恭
惟忠節祠冠佩凡六七公來居其間屈指難甲乙歲時
薦蘋藻生氣儼在室遙遙東陽峯水上深更密仁者多

後賢茲事可前必宿草春菲菲宰木秋瑟瑟中有卹典
碑千載騰茂實

樊駙馬大振受詔典禁旅宿衛

喜承恩領殿前軍玉立長身迥出羣紀勝有時傳白雪
奉宸終日侍紅雲金符舊勒蛟螭篆寶劔新裝錦繡文
講幄故人先定約宮壺春露待同醺

和副詹楊先生府中齋宿憶弟六言八句詩韻
二首

官舍平臨御水龍樓遠見飛簷坐想先生泚筆靜呼童子鉤簾顏氏心齋已久杜陵詩律方嚴陽春欲和未得斜日猶懸塔尖

青坊齋宿幾度十年斗杓轉東池草夢回惻惻泥緘詩寄重重玄經喜得時聽姜被何須夜同真似蕉蔭玉樹不慙瓦缶黃鍾

次韻題孔融伯隱君畫菜

忽忽青滿眼開卷足相慰墨田紛雨甲筆縷祭星緯因

之念老圃聖訓有攸畏蔬食而飲水正欲葆真氣緬懷
古壇杏裊裊綠陰蒂當時曲肱眠至樂本無既栖栖陳
蔡厄誰復辨良貴賴此簞瓢人不擇藜糝味美哉厭道
腴聊爾滌塵胃豈無食肉者漸減幾名諱亦有事魔語
千載嗤餘誹吾誰堪適從壁立樹嚴毅恒思召園子連
茹拔其彙豆間齋祭心曾靡間珍貴而况申申容對越
凜如愾虞庠獻春丁祀典詎無謂奉俎欲升堂前期悵
猶未

楊叔猷地官輓歌六章

卓筆峯高半入雲秀鍾人物迥超羣山川一日收靈氣

留得揚雄死後文

右文崖

寂寂茅堂晝掩關
灤西風物稱投閒
當時岸幘黃花裏

應讀移文笑北山

右西野草堂

門前喬木翠生烟
一姓同居幾百年
聞說省郎無恙日

紫荆花下酒如泉

右同居里

白石青松路不迷
隱君墳上路萋萋
當時苦塊藏身處

猶說慈烏遶樹啼

右廬墓處

一泓挑出淺沙間
照影如分鏡裏顏
知是吟魂長不散

月明來此弄潺湲

右怪泉

樂丘遙枕暮雲寒
一日全歸事最難
贏得墓前新石在

銘文留與後人看

右樂丘

送柳副憲提督松潘兵備便道過冢省母

憲節西行重外臺
秋曹人說舊多才
暫同一將論兵坐
想見諸番接詔來
幕府近山飛暑電
樓船入峽殷晴雷

壯遊正出巴陵道贏得高堂舉壽盃

贈王真人次倪舜咨學士韻

鳬舄仙人豈愛官帝教持節領黃冠
眼看紅紫隨春麗手裏瑯玕作夏寒
寶匣劒光晨耀雪玉爐符火夜飛丹
蓬萊往往傳書劄幾日清霄見鶴還

寄壽閔口畢處士

子文中
邑庠生

曾向沙村識隱君高堂吟榻許平分
開尊夜向溪頭雨隨步春看石上雲
南極又開新壽筭北山誰勒舊移文

名門早晚騰孤鳳五色文章定出羣

送陳訓術還順德

秋風吹水碧潺潺短檣輕帆去意閒
萬里客行仍過嶺一官廷引幸隨班
心常遠闕遙瞻斗仕不離鄉飽看山
冀英再更椰酒熟縣人傾倒候君還

和嚴大用尚寶歸省詩韻

老木清溪舊業存天涯相望幾寒溫
南歸暫奉三牲養北拱難忘一飲恩
馬首朔風登驛路鵲聲傳喜到家門

行邊已報春光動入眼桃花遠近村

椿翁同行幾人存蓮社詩盟可重溫
倬直久勞千里夢歸寧新沐九重恩
遊塵不染金陵道佳氣長浮白下門
知有鳳池高詠在不須重數莫愁村

周草庭都尉李西涯學士兩歲復命同日有詩
次韻

曉殿金門啓春城玉漏終才華驚二妙
喜色上重瞳分署齋心久連年入對同
欲從歌盛事迂拙愧唐風

齋所謝定西侯惠已茶

元戎齋後近青坊分得新茶帶酪香
雪乳味調金鼎厚松濤聲瀉玉壺長
甘於馬湫疑通譜清讓龍團別製方
吟吻渴消春晝永愧無裁答付奚囊

送顧謙還臨淮

翩翩顧公子天性酷嗜書不作紈綺態
被服若老儒平時數過我芸香襲襟裾
一朝戒行李迢遞隨征車云赴秋試期
暫返臨淮居由來君子心自與列士殊
從師讀

周易日月成居諸紛紛百家語涉獵乃其餘有才不自
露所得寧錙銖想見南畿秀歸然得明珠誰能漱藝芳
而復味道腴夙志倘無爽一薦誠區區春風載酒出相
送官道隅長歌丹桂篇送子青雲衢

冶城篇一首送袁鍊師道欽還住南京朝天宮
吳王鑄劍處榛莽無餘城福地豈終閤重開似蓬瀛琳
宮起璇榜掩映千花明肅肅演朝儀冠裳集羣英欣欣
祝聖釐香帟下紫清神仙足官府王者宜幽貞邇來領

祠祿有美蘭生昂藏好丰采瀟洒不世情薰風送歸
帆壯子一日行頗聞廢亭側卞廟猶崢嶸淒涼六朝事
激烈千古名巍巍石城外瀟瀟青溪聲舊京多散局何
當濯塵纓相携此弔古擊節歌時平

送汪侍御文榮出判夔州

侍御汪君文榮出判夔州以陞授出命此仁聖之
恩也予於文榮生同鄉學同志道同年故不以唁
而以賀古之士所當為寧止於此文榮勉之

西望夔州萬里程一尊相送壯君行封章舊獻丹心吐
憂國新添白髮明去觸荊門炎暑熾到經巫峽怒濤平
除書特下恩如海不遣賢臣挂謫名

贈雲中張守

左竹恩榮久見分中州人物重相聞弦歌夜課黌宮士
餉饋秋供紫塞軍公暇擬紆防寇策興來時草勸農文
他年屈指雲中守卓異功名定數君

送光州熊騰霄侍御赴山西副使

近來除命似君稀
新帶橫金豸作衣
久矣十年書歲課
壯哉千里怯霜威
中州善類知難得
西土流亡喜漸歸
相送出城應駐馬
祖筵春日正花飛

題四景畫

一夜春溪新雨足
晚耕已遍前川曲
烏犍少脫半犂閑
鳥外茸茸草根綠
坐愛一株沙柳陰
展卷疑聞梁父吟
布衣未接隘中聘
誰識當年開濟心

右諸葛
春耕

夏木陰陰波渺渺
風外羣飛見沙鳥
臨淵不為釣絲輕

黃梅雨過溪魚少石上苔花青更繁瓦罇獨酌消塵煩

可能著就玄真子亦有丹書三兩言

右玄真
夏鈞

西風蕭蕭振黃葉何處平原初罷獵會稽山下負薪人

倚樹掀髯亦豪俠一朝印綬懸其身白日照耀新朱輪

誰知擔上芸香冊只博人驚車馬塵

右買臣
秋樵

天山雪花大如席瀚海東頭絕人跡羣羊散落沙磧間

嚼盡寒蘗歲云夕塞垣孤月十九冬手持旄節歸漢封

不知麟閣丹青手曾寫當時憔悴容

右蘇武
冬牧

題薛九蟾仙

雲冠琢玉紫霞衫
仙籍依稀見署銜
松下月明時顧影
寸心知不到塵凡

和鏡川學士東閣靜生之什

閣門交處迥分途
十二朱廊白石趺
坐借病身雙足斂
稿繙經學寸心孤
雅音不數巴人倡
拙手空慙晉帖模
保直有期陪笑語
柳梢春色半昭蘇

華處士哀輓

錫山華名宗系出齊孝子居今八百年代代享蕃祉雲
初森玉立有美時葺翁三郎如鼎足挺挺多父風就中
承事君人物更娟好起家方有聞捐館一何蚤平生幹
蠱意永夕吾伊聲里人感利濟塾師驚老成竭耒丁歲
荒大發困中米詔與冠服榮身抗令丞禮君心非樂此
所樂在書巢史評著北宋遺稿存東郊臨風嗟若人曾
不躋下壽所期到松筠何意等蒲柳雖遺白頭父牘有
青年孫勉哉光世譜坐待高君門蟲蟲延祥山山前下

新兆中刻太史銘何如蔡邕表

望墩文集卷七十七